



六藝之一錄

石刻文字彙編

〔清〕倪濤

三

浙江出版聯合集團
浙江人民美術出版社



六藝之一錄

〔清〕倪濤編 錢偉強等點校

石刻文字彙編

三

浙江出版聯合集團
浙江人民美術出版社

圖書在版編目(CIP)數據

石刻文字彙編. 三 / (清) 倪濤編; 錢偉強等點校.
—杭州: 浙江人民美術出版社, 2017. 10
(六藝之一錄)
ISBN 978-7-5340-5868-4

I. ①石… II. ①倪… ②錢… III. ①石刻—彙編—
中國—古代 IV. ①K877.4

中國版本圖書館 CIP 數據核字(2017)第 195259 號

石刻文字彙編(三)

(清)倪濤編 錢偉強等點校

出版發行 浙江人民美術出版社
(杭州市體育場路 347 號 郵編:310006)
責任編輯 霍西勝 屈篤仕 雷芳 張金輝 余雅汝
封面設計 時代藝術
責任印製 陳柏榮
照排 浙江時代出版服務有限公司
印刷 浙江海虹彩色印務有限公司
開本 787mm×1092mm 1/16
印張 30
字數 432 千字
版次 2017 年 10 月第 1 版 第 1 次印刷
書號 ISBN 978-7-5340-5868-4
定價 295.00 圓(精裝)

如發現印裝質量問題,影響閱讀,請與市場營銷部聯繫調換。

六藝之一錄卷七十二

石刻文字四十八 唐刻功德

孫仁師百濟班師碑

馬大斌撰，正書，無姓名。麟德元年。《金石錄》

前隋州光化縣尉馬大斌撰，無書人名氏。高宗平百濟，已而其國人復叛，右威衛將軍孫仁師爲熊津道行軍大總管，伐而平之。師還至都洲，刻石紀功，以麟德元年立。《復齋碑錄》

裴行儉碎葉城紀功碑

儀鳳二年，裴行儉爲安撫大食使，諸部酋長悉來請命，將吏已下，立碑於碎葉城，以紀其功。《舊唐書·裴行儉傳》

成惠紀功碑

在循州，儀鳳中刻。《輿地碑目》

平南蠻碑

蕭普用撰序，蔡希周銘，韋悟徵正書。開元十八年八月。《金石錄》

大度山紀功碑

永昌三年，曷蘇率貴川部與党項種三十萬降，后以右玉鈐衛將軍張玄遇爲安撫使，即其部置葉州，刻石大度山以紀功。《舊唐書·吐蕃傳》

哥舒翰紀功碑

在熙州。《金石略》

王公復陝城勲德碑

章廷龜書。王公名思禮，肅宗時立。《碑帖考》

澤潞李抱玉紀功碑

元載撰，史惟則八分書。廣德二年立。《金石錄》
碑陰王惠安撰，男自正正書。全上。

李寶臣記功載政頌碑

永泰二年七月，王佑撰，王士則行書并篆額。今在真定府察院內。《金石文字記》

平蠻頌碑

韓雲卿撰，韓秀實分書，李陽冰篆額。大曆十二年立。《諸道石刻錄》

按西原蠻在唐爲邊患久矣，自肅宗至德以後百餘年間，諸蠻更相雄長，乍服乍叛，攻桂、管十八州，所至焚廬舍，掠士女，元道州所謂「城池井邑，但生荒草。登高極望，不見人烟」，蓋實錄也。今此碑所序大曆十一年，賊帥潘長安僞稱南安王，誘脅夷蠻，連跨州邑，南距雕題、交趾，西控昆明、夜郎，北洎黔巫、衡湘，毒如彼其廣。天子命隴西縣男昌夔持節招討，擒獲元惡，并其將帥八十四人，生獻闕下，其俘虜二十餘萬，并給耕牛糧種，令還舊居，勛烈如此之著，其《列傳》俱闕而不書。歐、趙集金石之文，又偶不得此碑入錄，鄉非事著於碑，而碑錄於余，其遂無聞矣。《集古後錄》

張茂昭功德碑

王璿撰并行書，建中三年。《金石錄》

韋皋紀功德碑

見前御制類。

李元亮懋功昭德頌碑

張濛撰，韓秀弼八分書，李彝篆額。貞元五年十月。《金石錄》

今在華州治大門內。《舊唐書》：李元諒本名駱元光，嘗在潼關領軍，積十數年，軍士皆畏服。德宗居奉天，賊泚遣僞將何望之輕騎襲華州，刺史董晉棄城走，望之遂據城，將聚兵以絕東道。元諒自潼關將所部，乘其未設備，徑攻望之，

遂拔華州，望之走歸。元諒乃修城隍、器械，召募不數日，得兵萬餘人，軍益振，以功加御史中丞。賊泚數遣兵來寇，輒擊却之，遷華州刺史兼御史大夫、潼關防禦、鎮國軍節度使，與副元帥李晟進收京邑，力戰，壞苑垣而入，遂復京師。賜姓李，改名元諒，終隴西節度使。《金石文字記》

李元諒者，駱元光賜姓名也。以朱泚之亂能鎮定華州，將徙治隴右故，華州人感之，行軍司馬董叔經請於天子，立碑述頌也。張濛撰，韓秀弼分書。秀弼手筆固是君家尚書公嫡派，而碑頌駱公詞無虛溢，并可重也。駱公封武康郡王，謚莊威，舊史不載，見《新唐書》，此所謂事增於前者乎？《石墨鐫華》

韋南康紀功碑

元和五年，刺史張九宗立。碑陰載南康謝賜表，字畫大半磨滅。《輿地碑目》

高崇文鹿頭山紀功碑

元和中，高崇文爲東川節度使，成都北有鹿頭山，扼兩川之要，劉闢築城以守之，又連八柵以拒王師。崇文遣高霞寓、鄺定進倍道追之，闢自投岷江，擒於湧湍之中。西蜀平，詔刻石紀功於鹿頭山下。《舊唐書·高崇文傳》

湖州紀功碑

在甲仗庫。元和中，紀刺史辛泌平李錡也。《輿地碑目》

平淮西碑

段文昌撰，陸邈八分書。元和十四年十月。《金石錄》

唐平淮西碑，翰林學士段文昌撰。安定李元直官朔方，得於定武，余感而歎曰：「明娘子，奢莫之媒也，媼母力父，是之喜也！」昔昌黎受詔，爲文開鑿渾元，索功玄宰，蓋精金百汰，愈鍊愈堅，其植根深，其藏本固，發越於外，其華燁然不可掩已。自漢以後，無此作也。帝子不慧，過量其夫，且矯姤之，苟以大功尸於私室，夸耀寵靈，要求命數，惟意私之，則破其碑以仆於道。時君世宰暗愚自將，則受以改命文昌，庸伍安知爲文？氣質衰陋，無復經緯，雖組織求麗，而綱領失据，正如江左俗學以麗偶自矜，借使一時女子無知，朝廷之間，君臣論議，又出一女子下耶？借使在朝無人，庸鄙暗劣，文昌其可承詔爲此哉？昔李商隱讀愈《平淮西碑》，謂如元氣正賴陶化庶類，而當時不容。况一日得行其道，吾知其不得存矣。或謂不敘愬功，考其言，用夜半至蔡，破其門取元濟以獻，盡得其屬，士卒豈嘗泯沒無傳？顧愈以裴度決勝廟算，請身任之，帝黜群議，決用不疑，此其所取遠矣。劉禹錫知名於時，嘗忌愈出其右，貞元、長慶間，禹錫隨後以進，故爲說每務詆訾，且謂文昌此碑自成一家，其自快私意如此。又謂柳宗元言愈作此碑，如時習小生作帽子頭以紉綴其文，且不若仰父俛子，以此爲上下之分。宗元嘗推愈過揚雄，不宜有此語，皆禹錫妄也。《廣川書跋》

平盧節度薛平紀績碑

栢元封撰，八分書。長慶三年三月。《金石錄》

邠國公梁守謙功德碑

楊承和撰并書，陸邳篆額。長慶二年。《京兆金石錄》

右唐邠國公功德銘，右神策軍護軍中尉楊承和撰并書。邠國公者，內侍梁守謙也。考之唐史，宦者守謙無傳，惟憲宗十五年書帝暴崩於太極殿，中尉梁守謙、王守澄等共立太子，殺吐突承瓘及澧王恽。而韓文公《平淮西碑》亦載守謙

在帝左右，賞命之往撫蔡師。夫守謙以一宦者而爵至上公，此可見憲宗之信任小人，宜其晚節不終，卒死宦者之手。然則予之錄此，蓋將爲天下後世之戒，而非徒取其文字也。《金薤琳琅》

此宦者梁守謙造經於興唐寺，而護軍中尉楊承和爲銘之、書之者也。書全法歐陽《蘭臺》，方整老勁，所不及者，結構小疎耳。但頌宦者功德，乃謂淮蔡之功，十居其七，將令裴、李諸公何處生活？《石墨鐫華》

仇士良紀功碑

武宗初，車駕幸昆明池，賜仇士良紀功碑，詔右僕射李程爲其文。《舊唐書》本紀

張仲武盧龍紀功碑

張仲武爲幽州大都督，始，回鶻常有酋長監奚、契丹，以督歲貢，因訶刺中國。張仲武使裨將石公緒等厚結二部，執諜者八百餘人，殺之，名王貴種，相繼降捕幾千人。仲武表請立石以紀聖功，帝詔李德裕爲銘，揭碑盧龍以告後世。《舊

唐書》本傳

韋丹功德碑

宣宗讀《元和實錄》，見韋丹政事卓然，他日與宰相語元和時治民孰第一，周墀對：「臣嘗守江西，韋丹有大功，德被八州，歿四十年，老幼思之不忘。」乃詔觀察使紇干泉上丹功狀，命刻功於碑。《唐書》本傳

滅黃巢紀功碑

景福二年立。《天下金石志》

朱全忠迎鑾紀功碑

天祐二年七月，賜朱全忠《迎鑾紀功碑文》，立於都內。《舊唐書》本紀

唐碑 德政

廩陶縣令李明府清德頌碑

正書，無書撰人姓名。永徽元年。《金石錄》

宗城令薛寶德政碑

永徽二年，北京。《金石略》

穀州刺史裴君清德頌碑

正書，無書撰人姓名。永徽五年。《金石錄》

裴君名律師，碑篆書，題額云「大唐穀州刺史裴公德政碑」。按《隋書》，義寧二年以新安縣置新安郡，唐武德元年曰穀州，貞觀元年徙穀州治澗池，六年徙治福昌，顯慶二年州廢，以福昌、永寧、長水屬洛州。《復齋碑錄》

黔南節度使趙國珍德政碑

上元二年。《輿地碑目》

蒲州刺史李公德政碑

正書，無書撰人姓名。乾封元年九月。《金石錄》

相州刺史許圜德政碑

正書，無書撰人姓名。乾封二年。《金石錄》

於潛縣令丁明府德政頌碑

殷亮撰并書。公名君表，字元章，麟德二年三月立。《諸道石刻錄》

齊州刺史薛寶積清德頌碑

正書，無書撰人姓名。總章二年八月。《金石錄》

歷城令劉文恪清德頌碑

正書，無書撰人姓名。總章二年。《金石錄》

臨汾縣令于府君德政碑

謝祐撰，柳洋正書。咸亨四年十月。《金石錄》

任城令元府君清德頌碑

八分書，無書撰人姓名。調露二年十二月。《金石錄》

獨孤府君德政碑

硤石尉孟缺休撰，桃林主簿盧元珪書。碑今缺，府君名不可見，其字曰思，思下又缺一字。河南洛陽人，給事中元愷之子，爲陝州桃林令，入爲水部員外郎，桃林人立此碑以頌德。據唐書表，元愷二子，曰思莊、思行，而亦不著名，此不知其爲誰也。碑以調露二年立。《集古錄目》

元府君德政碑

不著書撰人名氏。府君名思哲，字知仁，河南洛陽人。以絳郡夏縣令卒於官，縣人右監門校尉陰神義等爲立碑以頌德，以調露二年立，在夏縣。《集古錄目》

恒州刺史陶雲德政碑

張義咸撰，行書，無姓名。永淳三年。《金石錄》

申州錄事張義咸撰。雲字大舉，河南伊闕人也，高宗時爲恒州刺史，碑以永淳三年立。予爲河北轉運使，至真定府，見碑仆在府門外，半埋地中，命工掘出，立於廡下。字爲行書，筆跡遒麗，而不著書者姓名，惜哉。《集古錄》

洛州刺史賈公清德頌碑

正書，無書撰人姓名。高宗時立，年月殘缺。《金石錄》

右唐洛州刺史賈公清德頌。按唐史循吏傳，賈敦頤、敦實相繼爲洛州刺史，有惠愛，郡人皆爲刻石，號《棠棣碑》。今敦實之碑亡矣，此碑載初除洛州，制書有云「三川之境，是稱都會，六條之寄，尤屬時英。蒲州刺史賈敦頤體業強正，識用優敏」，蓋其名乃敦頤也。又《武后實錄》敦實傳中亦作敦頤，以此知唐史傳寫之誤。又按《法書要錄》，此碑王知敬書，以知敬所書他石刻較之，字畫不類，未知果知敬書否也。《金石錄》

武強縣令梁君德政碑

撰人名缺，劉玄明正書。垂拱元年四月。《金石錄》

介休令張君清德碑

李愿撰，李敬八分書。永昌元年九月。《金石錄》

醴泉縣令張仁蘊德政碑

齊處仲撰，顏真卿正書。長壽三年四月。《金石錄》

右唐醴泉縣令張仁蘊德政碑，長壽三年立，醴泉尉顏真卿書。按魯公雖嘗爲此官，然在開元間；而魯公以貞元元年爲李希烈所害，年七十六，上距長壽三年，實九十餘歲，是時猶未生也。又筆法與魯公他書不類，以此疑有姓名同者。

然碑武后時立，而不用當時所製字，或云碑雖建於長壽中，至魯公爲尉，重書而刻之，未可知也。據新史紀傳，魯公以貞元元年被害，年七十六。而舊史、《德宗實錄》皆云歿于興元元年，年七十七，疑《新史》誤。《金石錄》

渭南令李君清德碑

馬吉甫撰，正書，無姓名。聖曆元年十月。《金石錄》

直崇文館馬吉甫撰，不著書人名氏。李君名思古，渤海蓆人，爲鴻州渭南令，人拜右司員外郎。縣人爲立清德碑，以聖曆元年十月立。《集古錄目》

鴻州渭南縣令李君清德碑，馬吉甫撰。按唐書，則天天授二年，析雍州之渭南、慶山置鴻門縣，遂以慶山、鴻門、渭南、高陵、櫟陽置鴻州，大足二年廢。《集古錄》

栢仁令鄭君紀德碑

李義仲撰，正書，無姓名。聖曆二年十一月。《金石錄》

福昌縣令張君清德頌碑

薛稷撰并正書，大足元年九月。《金石錄》

前鳳閣舍人薛稷撰，不著書人名字。考其字畫，疑亦稷所書也。張君，漢相蒼之二十九世孫，武后時自福昌令徙爲洛陽令，而福昌人爲之立此碑。張君名及，立石年月皆剝缺不可辨。《集古錄目》

韋景駿頌德碑

神龍中，韋景駿爲肥鄉令，時河北饑，景駿躬撫合境，村閭必通，贍恤貧弱，獨免流離。及去任，人吏立碑頌德。《舊唐書》本傳

葉縣令宋君遺愛頌碑

吳師道撰，正書，無姓名。神龍三年五月。《金石錄》

句容令岑公德政碑

張景毓撰，釋翹徵正書。景龍二年二月。《金石錄》

右岑君德政碑，乃唐雍州錄事參軍張景毓字燭微撰。按碑，岑君，名禎，字德茂，南陽人也。祖文本，父景倩，解褐爲參軍，又爲蒲州司戶參軍，又調補衢州司倉參軍，乃擢授潤州句容縣令。是碑因其去而立也，碑今在縣治二門外。今年秋，予以試事赴句容，既失意，日夕游衍崇明寺，託居民搨數碑以還。柳汧江君指示此及寺中仆地石幢，云是李北海所書，又檢《書史會要》以示，句容隱士若江君者，可謂難得矣。是日，出少時與祝京兆往復詩藁及宋刻《句容縣志》，自言遠祖江賓王與朱文公同年，家有當時試錄在鄉中，不及取。後予迫試事歸，昨始寄至，因得摩挲墨本，恍憶往事，故記之云。嘉靖戊午十月廿一日記。《苑潤軒碑跋》

新興縣令光燕客清德碑

閻朝隱撰，王麟行書。景龍二年戊申九月建。《復齋碑錄》

揚州長史姚崇紀德碑

中宗時姚崇爲揚州長史，政條簡肅，人爲紀德於碑。《舊唐書》本傳

永昌令韋抗遺惠碑

景雲初，韋抗爲永昌令，不務威刑，政令肅一，都輦繁劇，寬猛得中，遷右臺御史中丞。吏人立碑通衢，紀其遺惠。
《舊唐書》本傳

洛州長史盧公善政頌碑

撰人姓名殘缺，蘇說八分書。景雲二年。《金石錄》

裴觀德政碑

賈昇撰，僧湛然分書。開元八年立，在峴山。《復齋碑錄》

兗州刺史韋府君遺愛頌碑

狄光嗣撰，張庭珪正書。開元九年十一月。《金石錄》

刺史靳恒遺愛頌碑并碑陰

張九齡撰，高慈正書。開元十一年立。碑陰述群官陪靳使君登峴山紀文。《復齋碑錄》

真定令柳君紀德碑

裴抗撰并八分書，開元十二年。《金石錄》

下博令許君德政頌碑

王懷惠撰，馮靈仙正書。開元十六年正月。《金石錄》

武臨令慕容公德政碑

正書，書撰人姓名殘缺。開元十六年四月。《金石錄》

堂陽令元府君德政碑

正書，無書撰人姓名。開元十七年正月。《金石錄》

膠水令徐公德政碑

封利建撰序，杜暉銘正書，姓名殘缺。開元十九年正月。《金石錄》

京兆尹張公德政碑

孟匡朝撰，史惟則八分書。開元二十一年。《金石錄》